



UNIVERSITÄTS-
BIBLIOTHEK
PADERBORN

Synopsis Annalium Societatis Jesu In Lusitania

Francus, Antonius

Augustæ-Vindelicorum, M. DCC XXVI.

Annus 1721. Soc. 182.

[urn:nbn:de:hbz:466:1-72313](https://nbn-resolving.org/urn:nbn:de:hbz:466:1-72313)

Affecutus est feliciter, nam actus omnium explevit vota. Finis pompæ impo-
situs perleganti oratione habita à P. Stephano Sequeira in artium facultate Ma-
gistro, quæ cum libello jurisjurandi tanquam ipsius pars in lucem edita.

21. In insula Madeira noster Ignatius Marius Coadjutor Transmontanus <sup>Devotio Ro-
farii.</sup> mirâ felicitate introduxit usum recitandi alternis vocibus diebus singulis tertiam
partem Rosarii, ut in majori parte sacrarum ædium urbis Funchalensis quotidie
hujusmodi obsequio honoretur Virgo sanctissima. Ex urbe manavit pia con-
suetudo in alia oppida, & insulam, quam dicunt Portum sanctum. Idem socius
fieri fecit decem Virginis Deiparæ simulacra, quæ magnâ pompâ diversis in tem-
plis locabantur. Additæ solemnes supplicationes. Res tanta digna visâ est, ut
referretur ejus initium, & author, in libros fidei publicæ.

22. Anni postremâ die hymnus *Te DEum* decantatus eò magnificentiæ <sup>Hymnus Te
DEum.</sup> crevit, ut hæc in majus non videatur augeri posse. Figurato Cantu hymnum
composuit P. Christophorus Fonseca nostræ Societatis musices peritissimus. Qui
in arte erant excellentiores Ulyssipone, fassi sunt insignis Magistri opus esse.
Nec ullus fuit, qui tot choros (erant enim quindecim) manu suâ auderet mo-
derari. Necesse est visum ipsum P. Christophorum agere moderatorem in
eo templi loco, unde posset ab omnibus observari. Concursum in templo no-
stro Domus Professæ nunquam visus augustior, Reges, Infantes, Cardinalis In-
quisitor Generalis, Nuncius, Patriarcha, Legati Regum, Duces, Marchiones,
Comites, & quidquid Ulyssipone grande erat. Accessere ex aliis capita sine
numero. Studiosi nostrarum scholarum à multo tempore musicis instructi nu-
meris suo loco respondebant choris. Quidquid vocis, & instrumenti musici exqui-
situm erat Ulyssipone, in templo audiebatur. Sumptum Patriarcha sustinuit.

Annus 1720. Soc. 181.

I.

ANnis quinque secuturis, non sine consilio, summa tantum rerum capita at-
tingam; aliâs fortè, si hinc opus novum ordiri lubeat, amplius deducen-
da. Et quidem anno labente deponunt socii Lustrani pileos rotundos,
quibus hæcenus usi fuerant, & sumunt quadratos, quales habent Itali nostri.
Duodecim ad Indiam proficiscuntur, uno pauciores ad Maranoniam. Adven-
tant ex India P. Antonius Guizenrot Procurator Goanus, & P. Brolis Antonius
Brandolinus Procurator Malabarensis. Inter alias missiones duo comitati sunt
Illustrissimum Patriarcham in lustratione dicecesis. Dux Banensis, qui causâ ob-
tinendi Ducatum Averientem venit hoc anno Ulyssiponem, tributâ bonâ pe-
cuniæ summâ, benefacit Missioni Maranonsi. Fabricatur ampla domus in
prædio Eborensis Collegii dicto Castello ventoso. Molinistæ sacerdotes capti
in urbe Visensi, & puniti ab Inquisitoribus suos, suasque edocebant, nostros
Confessarios fugerent, ut detegeretur pestilens doctrina. Collegium Portuense
evincit litem magni momenti motam ab viris importunissimis contra Collegii
villam prope Durium. Stephanus Pirius janitor scholarum Conimbricensium
obiens legat sua bona nostro Collegio Eborensi, cui fidelissimè servierat. Con-
cessum ab A. R. Patre posse aperiri Gymnasia in Domo Professæ Villavissolana,
ut sit Viennæ, Pragæ, & Venetiis: sed non fuit, qui daret necessarios redditus.
Vitam perituram cum perenni commutarunt, Conimbricæ Petrus Machadus
Coadjutor, Emmanuel Madureira, sacerdos; Bracharæ P. Stanislaus Oliveira;
in Residentia Labrugensi P. Martinus Sylva.

Annus 1721. Soc. 182.

I.

Infans Dominicus Franciscus rediens Mourâ hospitatur in Eborensi Collegio,
editis in nos suæ regiæ benevolentia præclaris significationibus. Mortui
sunt, Ulyssipone P. Antonius Soufa Rector Seminarii, P. Joannes Oliveira,
P. Joannes Seco olim Principum Magister, Antonius Rodericus Coadjutor,
P. Georgius Gelartius; Romæ 11. Februarii P. Franciscus Caeiro Revisor; Eboræ
Michaël

Michaël Avelar scholasticus, Didacus Ribeiro novitius, Martinus Rodericus Coadjutor, P. Simon Dinisius; Conimbricæ Josephus Salazar scholasticus, Gregorius Pintus tiro; in Portu P. Sebastianus Parada; Bracharæ Joannes Baptista, & Antonius Fernandus Coadjutores; in Fayalensi Collegio P. Emmanuel Faria; in Madeira Bartholomæus Xaverius Grammaticæ Magister; Scalabi P. Josephus Borgius. In Madeira sanctimonialis divæ Claræ de suo cœnobio exeuntes invadunt possessionem villæ nostræ suburbanæ ob canalem casu ruptum, per quem aqua fluebat in monasterium; at jussu Regis Collegio sua possessio restituitur. Centenario major Scalabi obit Joannes Henriquius Rosa nostri templi benefactor. Eminentissimum Cardinalem Josephum Pereiram ad electionem novi Pontificis euntem Romam duo è nostris sacerdotibus comitantur. Franciscus Coutinius olim de Societate donat Conimbricensi Collegio bonam pecuniæ summam ad exornandum sacrum vestiarium. Calendis Novembris Eboræ collocatur in sacello Juniorum sacrum tabernaculum cum Eucharistia reditu ad flammam perpetuam, & lampade argentea ab uno de nostris sacerdotibus datâ. Die 30. Decembris renunciatur hujus Provinciæ Visitator, & Vice-Provincialis P. Carolus Casnedius Mediolanensis, olim Legionis & Castellæ magni Archithalassi Confessarius, ut suo loco narratum.

Annus 1722. Soc. 183.

Vitam expleverunt, Eboræ P. Joannes Sousa, P. Franciscus Ramalius, P. Josephus Amorimus; Ulyssipone P. Antonius Cordeirus; Conimbricæ P. Franciscus Borgius, Josephus Antunius, & Emmanuel Camellus, scholastici; Angræ P. Gaipar Velius; Pontedelgadæ P. Melchior Pintus; in Portu P. Joannes Correa; Fari P. Eduardus Oliveira; Pace-Julii P. Josephus Acunea. Ad Indiam transiverunt octodecim, ad Maranoniã duo, totidem ad Brasiliã, sed unus inde venerat Procurator. Bracharæ rursus pro templi campanis instauratur, additâ prægrandi campanâ. Eboræ, & Conimbricæ tirones deponunt vestes, vulgò sotanas, fulci coloris, & assumunt nigri. Ulyssipone idem jam erat factum anno 1719. In Collegio D. Antonii sunt locata in specialibus sacrophagis cum suis inscriptionibus ossa Ven. P. Joannis Fonseca, & Ven. socii Coadjutoris Antonii Homem. Legati tres Theocasti Regis Fielanecensis in insula D. Laurentii jussu Serenissimi Regis hospitantur in nostra Domo Professa. Octobri cœpta consuetudo ter pullandi æs templi ad salutandam Virginem horis matutinis, & novies vespertinis ad commendandas DEO animas purgatorii. Venit è Maranonia P. Philippus Luisius Procurator, è Sinâ P. Antonius Magalaniu Imperatoris Legatus ad Serenissimum Regem. Didacus Tinocus Presbyter donavit Collegio Ulyssiponensi D. Xaverii annum redditum ad habendum alterum Latinitatis Magistrum. Mense Octobri apertum est Bracharæ aliud Gymnasium Philosophiæ.

Annus 1723. Soc. 184.

Cum Januario mense extractum de flumine fuisset monstrum marinum tantæ magnitudinis, ut longitudo æquaret 87. palmos; id omni Ulyssiponi spectaculum fuit prorsus admirandum. Nonnullis persuasum prælagisse acutos morbos, qui funestârunt eam urbem; in illis multum eluxit nostrorum charitas diu, noctûque; DEO cunctis prospiciente, ne uni quidem adhæsit pestilens malum. Cum Mauri plurimi essent è Mazagonia veçti Ulyssiponem, ex ipsis sæmina morbo lethali implicatur; existimante plebe pestem esse, jubet Rex Serenissimus deferri Mauros ad stationem dictam *Trafaria*, simul imperat significari Moderatori nostro, opus esse sacerdote de nostris, qui miseris consulat. E plurimis, qui se libenter obtulerunt, designatur unus. Interea compertum est, mauræ morbum à peste diversum. Ideo Regis nomine Machio Abrantensis per litteras, collaudatâ amplis verbis charitate Societatis, ad-